

奉化縣志卷之五

志祀典

古之立郡國首崇典祀爲國乎實爲民也民者神之主也是以敬天者必勤民慢神者亦必虐民其理同其事因矣秉禮君子所當考其文知其義焉其神之不足以佑庇我民者祀之非禮也宜祀而不祀與既祀而廢之皆非禮也故凡郡縣所宜祀本邑未經建置者特詳誌以有待於後若會典不載神之近正者附記之而佛老寺觀概不書云

文廟春秋二祭儀注兩廡先賢位次一遵會典

奉化縣志

卷之五 祀典

一

按丁祭祭器僅製有木豆數十祭品以地僻多用替代佾舞只有麾二雖限於一時勢之所難然不能不望於知禮君子之講求勿替也

又按從祀先賢先儒各直省學使大吏時有請於 朝者一經部議奉 旨照準卽咨行天下各州郡自應遵製

木主升廡奉祀乃竟有不以爲意者非所以立教率士也

今年江蘇學使陳公寶琛以 國朝黃梨洲顧甯人兩先

生奏請從祀甚覺允協未識部議如何光緒建元直隸制軍李相國曾以先儒劉靜修先生再請從祀至今亦未聞

部議若何覆奏先是自前明以來屢請從祀禮部或指先生渡江賦爲幸宋之亡或論其著述不富均格於議嗣後請者皆爲辨析迄今又渺不知消息矣或謂先生所著書採入四庫禮部需咨取原書以憑考證核議而咨取四庫書實大費周折故每淹滯不行唯考孫夏峰先生理學宗傳稱文靖品學爲元儒第一而徵君從祀久矣文靖公祀典尚迤邐若此豈其中亦有數耶附記於此以俟議禮者之採擇焉

崇聖祠春秋祭儀一遵會典

奉化縣志

卷之五

祀典

二

謹按初名 啟聖祠以向專祀 叔梁公 國朝雍正二年 諭旨追封 至聖五代王爵合祀後殿易今名

名宦祠

鄉賢祠

忠義孝悌祠

節孝祠

邑有四祠所以崇德教維風化也雖係羣祀向附於文廟左右

社稷壇

神祇壇

合祀
隍諸神

風雲雷雨山川城
雩祭亦在此壇

先農壇

邑有三壇所以謹祈禱崇報享也例係中祀在南郭外近
郊之地

按各壇祠奉邑以草昧初開皆尚未建然考祭法以勞定
國則祀之以死勤事則祀之如本邑殉難之慶文徐三公
雖建有專祠亦宜仍祀名宦改設縣治以來婦女以節烈
邀 旌典者已累累有人若李明經遇春德孚郡邑人
奉化縣志

卷之五 祀典

三

無閒言應祀鄉賢死難者當祀以忠義而祭 神禱雨扶
犁勸耕之典近年亦遵倣而舉行之矣所有三壇四祠之
建置祭儀自所當亟議者也
關帝歲以春秋二仲祀於縣治西北之廟五月十三日祭尚未
舉行各鄉鎮俱有廟民間祀之

謹按 關帝正直明神歷代封爵不同至 國朝隆禮異
數 神號加崇咸豐三年奉 旨升入中祀五年
追封 帝三代王爵祭儀與 文廟 崇聖祠同七
年奉 旨飭各省府州縣在 關帝廟恭懸萬世人

極匾額可謂至矣唯世俗所以崇 關帝者或目爲福祿之神或惑於三國志演義小說其說爲誣知禮君子所當明辨焉

崇聖祠未建祭尚缺如

按縣治西北 關帝廟本係商民舊建叢祠春秋將事不過權借成禮自宜改建官廟如儀

文昌歲於春秋二仲祀於

文廟之東二月初三日祭亦尚未舉行

謹按司馬遷天官書斗魁戴筐六星爲 文昌一曰上將

奉化縣志

卷之五 祀典

四

二曰次將三曰貴神四曰司命五曰司中六曰司祿周禮 大宗伯以禋燎祀司中司命月令季冬之月畢祀

天之神祇鄭康成謂司中司命與焉蓋 文昌之祀久矣 此靈壽志稼書先生之言也開原志云 文昌自前明景

泰中停祀 國朝定鼎亦未列入祀典至嘉慶六年始奉

旨特加太牢以二月初三日致祭其春秋二仲與

祭 關帝廟同是年太常寺復奏準祭 帝君三代與祭

關帝廟 崇聖祠同咸豐七年奉 旨 文昌帝

君神牌清書四字仍漢書四字分爲二行茲特詳考備錄

以見 文昌之祀厥有淵源而我 聖朝稽古從宜
右文翼教尤爲天下所欽仰云

城隍春秋祭儀尚缺歲僅設位於厲壇之左祀之朔望行香如
儀

謹按 城隍神向於春秋與 風雲雷雨山川各神

合祭於壇今境內無壇祭亦未及蓋缺典也又據靈壽志
考明洪武元年加各城隍以封爵府曰公州曰侯縣曰伯
三年又詔革去封號止稱某府某州某縣城隍之神 國
朝因之並無城隍封爵之制奉邑 城隍舊廟大門有治

奉化縣志

卷之五 祀典

五

顯子爵府橫額然則此間 城隍子爵又何自而來耶詢
之士人始悉未設縣治以前立有此廟本於義無取黠者
謂當時守土官爲照磨卽準縣城隍封爵遞降應錫子爵
復詭託乩仙所示加治顯二字云云可謂妄誕不經者矣
明年廟貌鼎新亟宜撤去之改題 敕建 城隍廟五
字爲正

三公祠祀佐領慶公吉防禦文公楷照磨徐公棠於春秋準
京師祀昭忠祠日祭之

按三公建祠合祀原奏未有春秋官爲致祭明文唯會典

載直省府州縣咸立忠義孝悌祠內設本鄉忠臣義士孝子悌弟各牌位所在有司歲以春秋致祭承祭官行禮與祭省會賢良祠同緣 例起義則三公祠春秋官爲致祭於禮蓋有合云

厲壇尚未建歲以清明七月望十月朔日設祭於縣治之西南隅里許以其地俗有鬼王廟

按此地游民甚夥無祀游魂定多陸稼書先生云厲壇之設子產所謂鬼有所歸乃不爲厲也會典所載祭文備極鬼神之情狀宜遵而用之並宜遵會典改祀於城北

奉化縣志

卷之五

祀典

六

按以上或中祀或羣祀皆奉

旨秩祀也光緒四年

改設縣治祀事聿興而置備祭品欸無從出知縣錢開震先行墊發如儀所有本年秋仲 文廟 文昌宮 關帝廟三祭共用銀五十五兩九錢四分八釐五年始行倣照邊裏各州縣章程詳請上憲咨部立案以上三祭春秋共領祭品銀四十八兩由承德縣按五成折發實領銀二十四兩厲壇小祭係官自備三公祠由前署知縣張雲蕃捐廉東錢六百千發商生息每歲得息錢六十千作爲春秋二祭之費本縣立案大概皆尚可敷衍成禮唯 文廟

正位以及四配十二哲兩廡 崇聖祠春秋兩祭統祇市平銀八兩之數牲牢祭品不但不豐其勢亦不能如儀所望秉禮官紳再行籌款以附益之方能遵照會典備禮否則亦宜從權挹注所有支領祭銀二十四兩 文廟春秋祭用十兩 文昌宮 關帝廟春秋祭共用十四兩庶幾小有裨益不致倚重倚輕於理覺稍慊非敢漫爲軒輊也

魁星樓未建

廣嗣宮附在本城

奉化縣志

卷之五

祀典

七

關帝廟正殿之東

按俗名娘娘廟各鄉鎮皆有之陸稼書先生云毛詩傳古者必立郊禘焉元鳥至之日以太牢祀於郊禘卽廣嗣宮之意後人雜以佛老之說則近附會矣

火神位附在本城

關帝廟正殿之西

按月令夏月其日丙丁其帝 炎帝其神 祝融炎帝謂神農祝融謂顓頊之子名黎火官之臣又謂顓氏後吳回也爲高辛火正其祀 火神之權輿歟

龍神位在本城附於

關帝廟正殿之西瑞祥社有二廟焉

按陸稼書先生云宋興有五龍廟及九龍堂祈雨之祀蓋龍神於古無聞有之自宋始矣然我朝厚澤深仁但神之有庇於民者一經有司陳請無不敕加封號或匾額崇頒時逢亢旱京師黑龍潭之祀尤殷特命焉則邑之祀龍神於禮亦宜也

藥王位附於縣治東北財神廟中永隆社立有特廟

按元時令天下立三皇廟通祀伏羲神農黃帝卽報祀奉化縣志

卷之五 祀典 八

先醫之意也明洪武間始罷郡縣三皇之祀至藥王之名古所未有本世俗摭拾道家之說或謂神農或指唐人孫思邈類虛誕耳陸稼書先生所謂天神地祇人鬼儘有所宜祀世俗祀不以禮而又難以驟更者其此之謂夫

八蜡廟未建

按八蜡之祀見於禮經其義最古官祭社稷先農民間宜祀八蜡庶幾稼穡爲寶上下咸一焉

衙神廟在縣署大門內東偏祔祀馬神暨漢鄼侯蕭何鄴侯曹參

獄神廟在獄牆內

按衙神猶五祀也古者大夫祭五祀於禮爲宜馬神之祀見於周官爲尤古蕭曹漢之傑出吏員祖述已久獄神亦猶十手十目之指視焉皆與淫祀有別並附以志之論曰書云黍稷非馨明德爲馨傳曰鬼神非人實親惟德是輔此祭之本也孔子曰祭則受福言敬慎也孟子曰雖有惡人齋戒沐浴則可以祀上帝則又爲甚言之若徒指摘儀物不備論正淫祀之非而厥德不修將事弗謹恐又出齋戒沐浴之惡人下矣神其享之乎吐之乎

奉化縣志

卷之五 祀典

九

奉化縣志卷之五終